

洪憲元年一月十五日星期六第十號

政事堂印鑄局發行

北京東長安牌樓王府井大街
電話東局二二零一號

政 二 統率辦處 公報

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購長年者收回大洋八元
 - 一外埠購報每半年加郵費洋一元
 - 一定購一月者收回大洋八毛
 - 一定購半年者收回大洋四元五毛
 - 一零售每號銅元五枚以本日為限
 - 一裝訂每月收回大洋一毛五分不裝訂者聽
- 如送報夫役私自加價請告知本局以便查究是為至要

目錄

命令

奏摺

灌頂普善廣慈宏濟光明大國師章嘉呼圖克圖奏為懇請乾綱獨斷迅御皇極摺
 蒙藏青海回部國民代表謝王那彥圖等奏為懇懇早正大位以固國基摺
 國務卿奏據銓叙局詳稱逾批分發俄文專修館畢業學生並請嗣後照章仍分各邊省委用摺(附單)
 陸軍部奏遵諭核給旅晉各國教師醫士二等銀色獎章摺(附單)
 陸軍部奏請以恩霽升補驍騎校摺
 陸軍部奏遵擬考察近畿各軍醫務衛生出力人員趙樹勛等分別改給勳章摺
 陸軍部奏伊犁鎮守使署副官長張乾生應否褫革軍官摺
 陸軍部奏軍官錢昌綬等積勞病故擬請照章分別給卹摺
 兼任文官高等懲戒委員會委員長政事堂右丞錢能訓奏為議決仰署河南汲縣知事張徵乾懲戒案繕具議決書祈示摺(附議決書)
 籌備國民代表大會事務局長顧鑑奏報國民代表大會據陝西省國民代表選舉監督報告先後辦理情形摺

公電

吉林巡按使王揖唐奏吉省民刑案件並無積壓高等審判廳長樂駿聲等請予褒獎摺
 河南巡按使田文烈奏遴員朱培根等薦請分別補署遂平等縣知事各缺並懇緩覲摺
 新疆巡按使楊增新呈揀派周家瑞代理洛浦縣知事文並 批令
 甘肅提督馬安良電奏
 太原金永電奏
 南通州管雲臣致雲南電
 廣東龍觀光等致雲南電
 武昌王占元致雲南電
 段善雲致雲南電
 長春裴其勳等電奏
 張家口張懷芝電奏
 歸化潘矩楹致雲南電
 南昌李純致雲南電
 南昌戚揚致雲南電
 經棚崑源致雲南電
 鳳凰城馬龍潭來電
 吉林將軍孟恩遠巡按使王揖唐電奏
 浙江將軍朱瑞巡按使屈映光電奏
 江西將軍李純巡按使戚揚電奏
 南寧陸榮廷王祖同電奏
 更正
 廣告

命 令

政事堂奉

策令和蘭國前任外交總長現任駐英公使司文德林給予一等嘉禾章此令

政事堂印

洪憲元年一月十四日

國務卿陸徵祥

政事堂奉

策令和蘭國外交總長陸東給予一等嘉禾章此令

政事堂印

洪憲元年一月十四日

國務卿陸徵祥

政事堂奉

策令和蘭國爪哇總督奚騰弼給予一等嘉禾章此令

政事堂印

洪憲元年一月十四日

國務卿陸徵祥

政事堂奉

策令比國駐教皇公使現充中國海牙平和會公斷員豐登納文給予一等嘉禾章此令

政事堂印

洪憲元年一月十四日

國務卿陸徵祥

政事堂奉

策令程鳳翔汪鍾萬嘉訓朱旭東史憲章均給予三等嘉禾章此令

政事堂印

洪憲元年一月十四日

國務卿陸徵祥

政事堂奉

策令呂鑄給予三等嘉禾章金猷大宋紹唐鄭咸鄭元濬蔣壽彤陳繼鵬聶汝康均給予四等嘉禾章此令

政事堂印

洪憲元年一月十四日

國務卿陸徵祥

政事堂奉

策令王崇文給予三等文虎章此令

政事堂印

洪憲元年一月十四日

國務卿陸徵祥

政事堂奉

策令陳壽彭給予四等嘉禾章此令

政事堂印

洪憲元年一月十四日

國務卿陸徵祥

政事堂奉

策令徐克復余殿元均給予五等文虎章此令

政事堂印

洪憲元年一月十四日

國務卿陸徵祥

政事堂奉

策令程峯段士璋均給予五等文虎章此令

政事堂印

洪憲元年一月十四日

國務卿陸徵祥

政事堂奉

策令任命李炳之爲陸軍第十三混成旅旅長此令

政事堂印

洪憲元年一月十四日

國務卿陸徵祥

政事堂奉

策令陸軍部奏准鎮安左將軍孟恩遠咨稱陸軍第三混成旅步兵第一團團長凌維琪年力就衰請免去本職等語凌維琪准免本職此令

政事堂印

洪憲元年一月十四日

國務卿陸徵祥

政事堂奉

策令任命高峻峰署理陸軍第三混成旅步兵第一團團長此令

政事堂印

洪憲元年一月十四日

國務卿陸徵祥

政事堂奉

策令財政部奏請將秘書黃濬進叙三等僉事李盛銜陶毅蘇世樟沈保儒何福麟居益鉉進叙四等應照准此令

政事堂印

洪憲元年一月十四日

國務卿陸徵祥

政事堂奉

策令內務部奏請任命陳彥彬周鴻熙試署僉事應照准此令

政事堂印

洪憲元年一月十四日

國務卿陸徵祥

政事堂奉

策令陸軍部奏請將馬正明顏錫仁楊為模楊嘉元均授為陸軍步兵中校沈正昌陸漢章均授為陸軍步兵少校應照准此令

政事堂印

洪憲元年一月十四日

陸軍部

政事堂奉

國務卿陸徵祥

策令陸軍部奏請將何銳黃金福張學林均授為陸軍步兵中校高世明宋健如李捷梁允昭均授為陸軍步兵少校應照准此令

政事堂印

庚午

洪憲元年一月十四日

國務卿陸徵祥

政事堂奉

策令內務部奏准貴州巡按使龍建章咨請任命聶延祐試署貴州省會警察廳警正應照准此令

政事堂印

洪憲元年一月十四日

國務卿陸徵祥

政事堂奉

策令內務部奏准山西巡按使金永咨省會警察廳警正章倬雲聲名平常請予免職章倬雲准免本職此令

政事堂印

洪憲元年一月十四日

國務卿陸徵祥

政事堂奉

申令咸武將軍督理陝西軍務陸建章昌武將軍督理江西軍務李純江西巡按使戚揚駐日
公使陸宗輿先後奏稱曹士英樊毓秀田雄飛王之漢楊濟川吳錫珍汪徽源鄧觀濤李政
準尹士珍張萬鵬邱有光許鴻模金天奇等遵令具結悔罪自首請予特赦等語曹士英等
既據查明悔罪自首出於至誠應即按照附亂自首特赦令准予特赦以示寬典此令

政事堂印

特赦

洪憲元年一月十四日

國務卿陸徵祥

政事堂奉

申令內務部奏准文官高等懲戒委員會議決山東巡按使蔡儒楷呈劾曹縣知事王寶生荷
澤縣知事嚴瀚平度縣知事章壽彭等一案依照知事懲戒條例均應受褫職並奪官處分
等語王寶生嚴瀚章壽彭均著准照所議褫職並停叙實官以示懲儆此令

政事堂印

洪憲元年一月十四日

國務卿陸徵祥

國務卿奏據銓叙局詳稱核議漢陽河工雙合嶺合龍案內在事出力人員勳章分別擬

獎開單請示由

政事堂奉

批令呂鑄等已另有令明發餘均如擬給獎單存此令

政事堂印

洪憲元年一月十四日

國務卿陸徵祥

內務部奏江蘇泰興縣知事王用先拏獲鄰境盜首照章請獎由

政事堂奉

批令准如所擬給獎此令

政事堂印

洪憲元年一月十四日

國務卿陸徵祥

內務部奏湖南省長沙等縣警察所委任各職員請予分別叙官由

政事堂奉

批令交政事堂飭銓叙局核叙單並發此令

政事堂印

洪憲元年一月十四日

國務卿陸徵祥

財政部奏各省清查期內地畝訴訟擬請援案變通辦理由

政事堂奉

批令准如所擬辦理即由該部通行遵照此令

政事
堂印

洪憲元年一月十四日

國務卿陸徵祥

財政部奏直隸商會聯合會勸導印花稅暨勸募公債請將出力人員冉凌雲等分別給獎以資鼓勵乞訓示由

政事堂奉

批令准如所擬分別給獎交政事堂飭銓叙局查照并由該部行知直隸巡按使遵照此令

政事
堂印

洪憲元年一月十四日

國務卿陸徵祥

財政部奏廣西銀行監理官沈曾樾擬調京另候任用所有監理官職務仍歸該省財政廳廳長兼任以資節省由

政事堂奉

批令沈曾樾著調京另候任用其監理官職務仍歸該省財政廳長兼任即由該部分行遵照此令

政事堂印

洪憲元年一月十四日

國務卿陸徵祥

陸軍部奏請將廣東剿辦陽江台山黨匪出力人員何銳等補授陸軍實官由

政事堂奉

批令何銳等已另有令明發餘並准如所擬授官單存此令

政事堂印

洪憲元年一月十四日

國務卿陸徵祥

陸軍部奏請將廣東緝獲亂黨出力人員馬正明等補授陸軍實官由

政事堂奉

批令馬正明等已另有令明發餘並准如所擬授官單存此令

政事堂印

政事堂奉

批令沈曾樾著調京另候任用其監理官職務仍歸該省財政廳長兼任即由該部分行遵照此令

政事堂印

洪憲元年一月十四日

國務卿陸徵祥

陸軍部奏請將廣東剿辦陽江台山黨匪出力人員何銳等補授陸軍實官由

政事堂奉

批令何銳等已另有令明發餘並准如所擬授官單存此令

政事堂印

洪憲元年一月十四日

國務卿陸徵祥

陸軍部奏請將廣東緝獲亂黨出力人員馬正明等補授陸軍實官由

政事堂奉

批令馬正明等已另有令明發餘並准如所擬授官單存此令

政事堂印

批令王楫著卽褫奪官職暨所得勳獎各章通緝務獲歸案懲辦以肅軍紀此令

政事堂印

洪憲元年一月十四日

國務卿陸徵祥

海軍部奏本部科長陳壽彭等請給勳章由

政事堂奉

批令陳壽彭已有令明發餘均如擬給獎由政事堂銜銓叙局查照此令

政事堂印

洪憲元年一月十四日

國務卿陸徵祥

司法部奏彙報總檢察廳暨京師高等檢察廳死刑案件請示由

政事堂奉

批令悉准如所擬執行卽由該部轉行遵照單存此令

政事堂印

洪憲元年一月十四日

國務卿陸徵祥

司法部奏彙報江蘇省死刑案件請示由

政事堂奉

批令悉准如所擬執行即由該部轉行遵照單存此令

政事堂印

洪憲元年一月十四日

國務卿陸徵祥

司法部奏彙報四川省死刑案件請示由

政事堂奉

批令悉准如所擬執行即由該部轉行遵照單存此令

政事堂印

洪憲元年一月十四日

國務卿陸徵祥

司法部奏報四川省死刑案件請示由

政事堂奉

批令悉准如所擬執行即由該部轉行遵照此令

政事堂印

洪憲元年一月十四日

國務卿陸徵祥

籌備國民代表大會事務局局長顧鼐奏國民代表大會決定國體一律告竣謹將經過情形編成通告並擬彙輯專書由

政事堂奉

批令悉交內務部查照單並發此令

政事堂印

洪憲元年一月十四日

國務卿陸徵祥

蒙歲院奏青海郡王來京值班照例進呈穩穩請賞收由

政事堂奉

批令准予照收由該院照章辦理此令

政事堂印

洪憲元年一月十四日

國務卿陸徵祥

步軍統領江朝宗奏車捐總辦成志精給章代伸謝悃由

政事堂奉

批令悉此令

政事堂印

洪憲元年一月十四日

國務卿陸徵祥

鑲紅旗滿洲都統定成奏恭報就職日期由

政事堂奉

批令悉此令

政事堂印

洪憲元年一月十四日

國務卿陸徵祥

拱衛軍總司令官李進才
擬辦局督辦袁乃寬奏拱衛軍文職人員紀雲鵬等授官代伸謝悃由

政事堂奉

批令悉此令

政事堂印

洪憲元年一月十四日

國務卿陸徵祥

江蘇巡按使齊耀琳奏義紳楊瑞清等捐助賑款擬請獎給勳章由
政事堂奉

批令交政事堂飭銓叙局核獎此令

政事堂印

洪憲元年一月十四日

國務卿陸徵祥

江蘇巡按使齊耀琳奏轉報滬海道道尹周晉鑣到任日期並代陳感激下忱由
政事堂奉

批令悉此令

政事堂印

洪憲元年一月十四日

國務卿陸徵祥

江蘇巡按使齊耀琳片奏公署掾屬趙國琛等援案擬請從優叙官由
政事堂奉

批令交政事堂飭銓叙局核叙此令

政事堂印

洪憲元年一月十四日

國務卿陸徵祥

壯威將軍督理湖北軍務王占元奏黎天才等奉令封賞爵職代陳謝悃由

政事堂奉

批令悉此令

政事堂印

洪憲元年一月十四日

國務卿陸徵祥

陝西巡按使呂調元奏為彙報澄城等縣各屬被水被雹並歷年沙壓地畝飭委覆勘賑

撫仰祈聖鑒由

政事堂奉

批令悉交內務財政兩部查照此令

政事堂印

洪憲元年一月十四日

國務卿陸徵祥

山西巡按使金永奏晉礦重要請援案設局並派員坐辦由

政事堂奉

批令交農商部核議具復此令

政事堂印

洪憲元年一月十四日

國務卿陸徵祥

山西巡按使金永奏擊獲九龍會匪出力之縣知事劉先鸞請獎由

政事堂奉

批令交內務部照章核獎此令

政事堂印

洪憲元年一月十四日

國務卿陸徵祥

山西巡按使金永奏山西高等審判廳廳長陳福民奉令嘉獎代陳謝悃由

政事堂奉

批令悉此令

政事堂印

洪憲元年一月十四日

國務卿陸徵祥

山西巡按使金永奏前任牧令張慶澍查厚基政績卓著請以縣知事分發任用由
政事堂奉

批令張慶澍查厚基准以縣知事任用交內務部查照此令

政事
堂印

洪憲元年一月十四日

國務卿陸徵祥

山西巡按使金永片奏警佐籍違訓迭次藉案詐贓按法槍斃由

政事堂奉

批令悉交內務司法兩部查照此令

政事
堂印

洪憲元年一月十四日

國務卿陸徵祥

察哈爾都統張懷芝奏為查明前墾務局員恩祿等委無財產可以追繳懇恩准予豁免
以示寬典由

政事堂奉

批令既據稱先後追繳款已過半且委無財產可追應准豁免交內務財政陸軍農商各部查

照此令

政事堂印

洪憲元年一月十四日

國務卿陸徵祥

駐義大利特命全權公使高而謙呈報交卸日期由
政事堂奉

批令悉此令

政事堂印

洪憲元年一月十四日

國務卿陸徵祥

督辦江北葦蕩營墾務楊士驄奏恭報任事日期由
政事堂奉

批令悉此令

政事堂印

洪憲元年一月十四日

國務卿陸徵祥

奏摺

灌頂普善廣慈宏濟光明大國師章嘉呼圖克圖奏為籲請乾綱獨斷迅御皇極摺

奏為籲請 乾綱獨斷迅御 皇極以安人心而鞏邦本事竊以國體改革以來舉國人民均願竭誠恭

戴 聖上伏讀上年十二月十二日 諭旨俯從人民所請勉就 皇位喇嘛僧衆莫不欣欣鼓舞仰

望中華有主丕奠邦基惟國體決定已久大禮尙未定期舉行致令人民望治之殷久深企禱要知大位一日

未定人心一日未安謹再籲請我 皇帝陛下早登大寶用御寰瀛無任馨香頂祝之至謹 奏

洪憲元年一月 日

蒙藏青海回部國民代表親王那彥圖等奏為籲懇早正大位以固國基摺

蒙藏青海回部國民代表親王臣那彥圖親王臣阿穆爾靈圭親王臣色旺端魯布汗臣布彥孟庫親王臣扎

噶爾親王臣帕勒塔郡王臣熙凌阿郡王臣棍布扎布郡王臣色丹那木濟勒旺寶郡王臣那遜阿爾畢吉呼

郡王臣阿勒坦瓦齊爾郡王臣漢羅扎布郡王臣烏泰貝勒臣德色賴托布貝子臣達賚貝子臣祺誠武貝子

臣阿拉坦巴圖爾貝子臣祺克坦鎮國公臣蘇達那木輔國公臣鄂多台輔國公臣都凌阿輔國公臣侯達珠

輔國公臣海永溥輔國公臣阿拉瑪斯圖呼台吉臣鄂伯噶台管旗章京臣伊昌阿梅倫章京臣賽音吉雅圖

參領臣布勒特管旗章京臣剌蓋勒補音參領臣額林沁巴圖參領臣烏勒吉布和梅倫章京臣布爾格特親

王臣塔旺布里甲勒貝勒臣唐古色輔國公臣鄂里雅蘇都統銜臣阿爾烏爾貴輔國公臣噶拉增輔國公臣

羅卜桑車珠爾臣阿旺根教臣厦仲阿旺益喜臣羅桑班覺臣一喜托美臣扎喜臣蕭必達臣格勒索巴臣桑

曲臣阿吐曲扎臣羅薩隆多臣馬吉符臣王寬臣李謙臣馬廷勳奏為籲懇早正大位以固國基恭摺仰祈

聖鑒事竊臣等前因鑒共和之流弊傾向君憲當籌安會發起之時即已先後加入列名贊成迨還充蒙藏

青海回部國民代表投票解決國體一致贊成君憲後並全體恭戴我 皇帝為大中華帝國 大皇帝

以明傾向之忱參政院代行立法院全體代表總投票亦決定君憲國體是知民意所屬即天命所歸乃

聖懷謙挹明令固辭呼籲再三始蒙 俯允深幸中原有主 天子當陽凡我臣民無不同深歡忭惟是籌備大典猶在進行 御極令辰未 頒明諭 天位一日未定即人心一日未安伏愿我 皇帝俯順輿情速登 大寶以慰薄海生靈之望以戢宵小反側之心不勝迫切屏營之至所有籲懇早正大位以圖國基緣由理合恭摺具陳伏祈 皇帝陛下聖鑒謹 奏

洪憲元年一月十二日

國務卿奏據銓叙局詳稱遵批分發俄文專修館畢業學生並請嗣後照章仍分各邊省委用摺(附單)奏為遵 批分發俄文專修館畢業學生並請嗣後照章仍分各邊省委用恭摺仰祈 聖鑒事據銓叙局詳稱奉堂交外交部咨呈俄文專修館學生分發新疆等處委用一案擬由堂飭局分發委用並奏請立案奉 批關等因奉此鈔交到局查外交部原咨呈稱本部所屬俄文專修館係因前東三省鐵路俄文學堂改設會將辦理情形呈奉 批交部加意護植預定用途本部遵即議定辦法凡該館學生畢業由部派員監同嚴加考試擇其優者酌量留部餘准由東三省及西北各邊省行政長官隨時調用經咨行各該長官等查照嗣屆上年及本年第一第二兩班補習學生畢業均經依照前定辦法辦理在案茲計兩屆畢業生二十三人除本部及各處調用外尚餘六人查學習外國文字向以俄文用途為最狹故習之者尤少惟西北各邊省毗連俄境為地數千里近年交涉漸繁用途亦漸廣亟宜多儲熟習俄國語文人員遇事冀收贊助之效又學習俄文較難於他國文字既離學堂即難得實習之機故尤宜使此項畢業人員分往各地既以効用又免廢學茲將該館畢業生六人名單開送鈞堂擬請就現在交涉較繁之所新疆塔爾巴哈台阿爾泰三處將該生等分發前往交由各該處巡按使辦事長官等擇相當差務即予委用無令投閒置散致負護植之意至將來該館畢業生應否由鈞堂將此次辦法奏請立案嗣後每屆畢業之期即由本部開單送請鈞堂分發之處並希酌核辦理等語查文職任用甄用考試各令業奉 申令公布在案所有各項文職自均應以考試甄用合格者為進身之正軌惟現在考試甄用尚未舉行以前邊地交涉漸繁需才孔亟而該館專習俄文用途

亦較狹既奉 批令准其分發委用應請比照文職任用令第一條所載特別法令之規定辦理惟該館學生專習俄國文語自應用其所學擬請嗣後此項人員分發省分仍以毗連俄境各區域為限以示限制而收實効所有遺 批分發俄文專修館畢業學生並請嗣後照章仍分各邊省各緣由是否有當謹連同分發各員名單詳請轉奏等情前來理合據情恭摺具奏伏乞 皇上聖鑒訓示遵行謹 奏

政事堂奉

批令應准照辦外交部查照此令

政事堂

洪憲元年一月九日

國務卿陸徵祥

謹將遵 批分發俄文專修館畢業各員開具名單仰祈 聖鑒

計開

郁 仇 徐 路

以上二員擬分發新疆委用

周 鼎 馬 晉

以上二員擬分發塔爾巴哈台委用

蘇 鈞 趙學明

以上二員擬分發阿爾泰委用

陸軍部奏遵諭核給旅晉各國教師醫士二等銀色獎章摺(附單)

奏為遵 諭核給旅晉各國教師醫士二等銀色獎章恭摺仰祈 聖鑒事准政事堂交兼代國務卿呈

據銓叙局詳稱會商外交部核議山西請獎旅晉各國教師醫士等因擬照成案給獎奉 批令交陸軍部查照成案核給獎章並交外交部查照此批等因奉此查將軍銜管理甘肅軍務巡按使張廣建於上年八月內請獎英美兩國教士克省吾等一案業經奉 准給予二等銀色獎章在案此次旅晉各國教師醫士希賢等六員所著功績與克省吾等相同擬援照甘肅成案請 給予二等銀色獎章各一座以昭激勵是否有當理合繕單恭摺具陳伏祈 皇帝陛下聖鑒訓示進行謹 奏

政事堂奉

批令准如所擬給獎單存此令

政事堂印

洪憲元年一月九日

國務卿陸徵祥

謹將旅晉各國教師醫士核給獎章繕單恭呈

御覽

計開

天主教主教希賢 翟守仁 天主教總鐸發春榮 耶蘇教牧師羅爾德 醫士海文啟 陸益詩

以上六員均請 給予二等銀色獎章

陸軍部奏請以恩霽升補驍騎校摺

奏為請補驍騎校員缺恭摺仰祈 聖鑒事竊准正藍旗蒙古都統畢桂芳咨稱本旗驍騎校恩榮陞遣一

缺揀定印務筆帖式馬甲恩霽堪以陞補咨部轉奏等因到部茲經核明與歷案陞階相符似應准予陞補理

合恭摺具陳伏乞 皇帝陛下聖鑒訓示謹 奏

政事堂奉

批令准其陞補此令

政事堂印

洪憲元年一月九日

國務卿陸徵祥

陸軍部奏遵擬考察近畿各軍隊醫務衛生出力人員趙樹勛等分別改給勳章繕單請示摺(附單)
奏為遵擬考察近畿各軍隊醫務衛生出力人員分別改給勳章恭摺仰祈 聖鑒事案准統率辦事處函
稱准軍醫監徐華清詳開請將隨同考察近畿各軍隊醫務衛生出力之趙樹勛等四員從優獎敘等情轉呈
奉 諭交陸軍部核辦等因奉此查原單內開趙樹勛等四員均係請補實官核與定例不符擬請一律
給與勳章以資策勵是否有當理合繕具陳伏乞 皇帝陛下聖鑒訓示謹 奏

政事堂奉

批令趙樹勛等已另有令明發餘如所擬給獎單存此令

政事堂印

洪憲元年一月九日

國務卿陸徵祥

謹將遵擬考察近畿各軍隊醫務衛生出力人員分別改擬勳章恭呈

御覽

計開

前廣東陸軍醫院副軍醫官曾 普

以上一員原請升授二等軍醫正擬請 改給六等文虎章

前廣東開平縣知事張福文

以上一員原請免考知事擬請 改給七等文虎章

陸軍部奏伊犁鎮守使署副官長張乾生應否褫革軍官摺

奏爲請 令褫革軍官恭摺仰祈 聖鑒事竊准政事堂鈔交將軍銜督理新疆軍務楊增新呈查明伊

犁鎮守使署副官長張乾生跡近招搖請驅逐出境並飭部咨行各省不得錄用一案於民國四年十二月三

十一日政事堂奉 批令既據查明張乾生藉故招搖有損軍人資格應由陸軍部轉行伊犁鎮守使迅即

驅逐出境毋許逗遛並通行各省不得錄用以示懲儆此令等因奉此查該員曾於民國四年一月二十二日

補授陸軍步兵中校實官現該員既經奉 令通行各省不許錄用其所補實官應否褫革之處理合恭摺

具陳伏乞 皇帝陛下聖鑒訓示施行謹 奏

政事堂奉

批令張乾生著即褫革陸軍步兵中校此令

政事
堂印

洪憲元年一月十一日

國務卿陸徵祥

陸軍部奏軍官錢昌綬等積勞病故擬請照章分別給卹摺

奏爲軍官積勞病故擬請照章分別給卹恭摺仰祈 聖鑒事案准德武將軍督理河南軍務趙倜咨陳行

署副官陸軍步兵中校錢昌綬自民國二年任職廝夕從公至爲勤奮去年白匪猖獗各屬土匪羣起響應迭

派該員前往各軍商同防剿並辦理清鄉各事均能不避艱險力爲贊助四年七月豫東土匪不靖復派該員

前赴歸德聯同各軍竭力防剿因晝夜勞瘁飲食不調染患胃痛諸症旋調回省委兼軍士學校管連長差諸

事既係草創規畫更須周詳以致舊病大劇施治無效於十一月在職身故又陸軍第一師師長蔡成勳詳稱

步四團副官陸軍步兵上尉徐殿魁於前清光緒十六年投入淮軍歷充什長哨長哨官排長等差民國二年在多防騎兵團副官差內剿辦蒙匪歷著戰績三年八月調充斯職旋隨隊出防右翼四縣彼時正值匪氣方熾該員到防後督隊剿捕勞瘁不辭因積勞咯血於四年十月在防身故又壯威將軍署管理湖北軍務王占元咨陳湖北陸軍第一師步一團第一營排長陸軍步兵中尉許維楚任職以來防捕勤勞頗稱得力四年九月派赴新河鎮緝拿搶犯感冒權疾即於是月在防身故宣武上將軍督理江蘇軍務馮國璋咨陳江蘇陸軍第七十六混成旅步一百五十二團第一營排長王萬貴入營四載任事勤勞二年七月金陵之亂隨營出發奮勇前驅以功奉補少尉因積勞感受濕瀰等症醫治無效於四年十月在職身故又咨陳江蘇憲兵第三營排長范志超因出防梭巡露宿風餐操勞過度染患肺病於四年九月在職身故又陸軍第二混成旅旅長劉躍龍詳稱步二團第一營排長吳銀齋任差以來克勤職守民國三年在荆紫關一帶堵截白匪晝夜奔馳勞力過度染患癆症於四年十一月身故先後咨送證書表結請予照章給卹各等因前來查該員等平日防剿卓著功績茲因染病身故確係積勞所致巨部詳加覆核與陸軍平時卹賞暫行簡章第四條在軍營立功後病故給卹之規定相符所有已故副官中校錢昌綬一員擬請從優照卹賞表第二號中校階級給與一次卹金四百五十元副官上尉徐殿魁一員擬請從優照卹賞表第二號上尉階級給與一次卹金三百元排長中尉許維楚一員擬請從優照卹賞表第二號中尉階級給與一次卹金二百五十元排長少尉王萬貴范志超吳銀齋三員擬請從優照卹賞表第二號少尉階級各給與一次卹金二百元以示體恤而資激勸所有核擬給卹緣由是否有當理合恭摺具陳伏乞

皇帝陛下聖鑒訓示遵行謹 奏

政事堂奉

批令准如所擬分別給卹此令

政事堂印

洪憲元年一月十一日

國務卿陸徵祥

兼任文官高等懲戒委員會委員長政事堂右丞錢能訓奏為議決仰署河南汲縣知事張徵乾懲戒案

繕具議決書祈訓示摺(附議決書)

奏為議決仰署河南汲縣知事張徵乾懲戒案繕具議決書恭摺具陳仰祈

南巡按使田文烈奏劾仰署汲縣知事張徵乾瀆川任內損失交款一摺奉

聖鑒事竊准政事堂函開河南巡按使田文烈奏劾仰署汲縣知事張徵乾瀆川任內損失交款一摺奉 批令張徵乾著付文官高等懲戒委員會依法懲戒並交內務部查照此批相應鈔錄原摺函達遵照等因准此遵即指定主任調查員審查報告並開全體委員會經多數議決認為張徵乾應受記大過處分茲謹繕呈議決書奏請 飭

下內務財政兩部咨行河南巡按使查照執行所有議決仰署河南汲縣知事張徵乾懲戒案各緣由是是否有當理合恭摺具陳伏乞 皇帝陛下聖鑒訓示施行謹 奏

政事堂奉

批令悉交內務財政兩部轉行河南巡按使查照執行議決書并發此令

政事堂印

政事

堂印

洪憲元年一月九日

國務卿陸徵祥

文官高等懲戒委員會議決書

被付懲戒人 張徵乾 署河南汲縣知事

右被付懲戒人因損失交款一案經河南巡按使查明請交會懲戒本會審查議決如左

主文

記大過

事實

據河南巡按使田文烈原摺內稱竊查前准財政部電開奉 諭示聞潢川縣知事張徵乾捲款三萬脫逃無蹤何以未據呈報應速查明嚴拏勒追懲辦毋稍贖徇等因轉行到豫臣遵將查明此案傳聞失實大概情形先行電復財政部轉呈 睿鑒一面飭由財政廳切實查辦在案茲據財政廳廳長顧歸愚詳稱違經飭據張徵乾舊日科員常瑞齋繳案連同卷宗發交開封縣並遵委分發知事李景晟會訊詳辦去後現據開封縣知事張家淦委員李景晟詳稱當即會同提訊據常瑞齋供稱河南開封縣人在前潢川縣知事張徵乾任內充當科員管理收支事務民國二年夏秋之間白匪竄擾鄂豫光山縣衙門被劫商城解省銀輸半路折回商民咸有戒心以致潢川銀根奇緊縱出大價亦難購買潢川習慣下忙錢糧須到冬月方能掃數契稅亦是冬季較旺所以秋季款積存無多有月報徵冊可查是年十二月二十五日張知事由省公回先將買好地丁銀六千兩如數批解一面接續購辦將任內徵收各款銀二萬一千餘兩如數買齊正在傾鑄定期起解適三年一月一日張知事奉飭交卸監交委員俞世梓於三日即到潢川因河南交代章程遇有交替前任徵收款項責成後任暨監交委員會銜批解張知事隨將前項解款遵章會同監交委員俞世梓後任知事陳揚驗明點交清楚如數儲庫經俞委員電稟有案張知事於三年一月六日先行科員候算交代暫住署內十一日傳言光山縣城被白匪攻破距潢較近科員焦急萬分路上匪多又不敢冒險前進隨將張知事所留科員盤費薪水銀二百餘兩銀洋三百元暗埋房後此係秘密行事並未同有隊勇不料十五日潢川失守科員即出署躲避及至白匪走後查看所藏銀洋分毫無存署內各屋棚板以及廁所溝井盡被匪徒掏掘應解款項全被搶失後經查明詳報款既存庫科員即不便過問何能帶款潛逃科員係一月二十二日由潢川動身二十五日到信陽搭乘火車北行如帶銀二萬餘兩斷不能不購買貨票請向鐵路局調查收據不難水落石出至隊勇白金聲王占元張知事在任時犯罪革前因追繳軍裝會與科員滋鬧豈能仍令幫同藏

銀總之科員經管財務支發款項不能盡如人意藉端攻訐實在意中張知事在潢川任內嚴辦訟棍亂黨招
怨甚多今乘交卸失城之後捏詞散布希圖報復一切情形後任陳知事知之最悉請轉詢詳察等語詢之陳
知事據稱張知事任內交代款項城陷後被匪搶劫屬實陳勇白金聲等實係張知事開革挾嫌報告等語並
據出具甘結送縣備查復向常瑞齋再三究詰矢口不移除飭令取具妥保開釋並出結備案外理合詳請核
辦等情據此本廳詳核供詞既據常瑞齋供稱張知事交卸後即將徵存款項會同監算委員點交陳知事
接收儲庫張知事交款後先行進省伊於城治破壞時單身躲避實無攜款潛逃情事且接任之陳知事當城
治未破之先接款存庫固無異言迨城治既失之後陳知事經前民政長張鳳台呈請交議免官在案其於庫
儲損失情形既所目覩並據出結堅稱張知事交款實被匪劫核與常瑞齋供情亦尚相符案經訊明款係被
劫張知事並無捲逃情事惟查本省定章各縣上月存款例應於下月十五以前解庫張知事任內既經積及
鉅款自應及時批解即謂道路不靖亦可援照鄰封辦法電請派撥軍隊護送乃計不出此以致公家受虧雖
交卸在先不能責以城守之不力而解款延緩該知事咎容辭理合詳請轉呈將張徵乾提付懲戒等情前
來

理由

此案仰署河南汲縣知事張徵乾於前在潢川任內所存交款二萬一千餘兩全數被白匪搶劫雖經查明該
員交卸在先城治失守在后惟事前未能電請派兵護解致令官款被劫亦屬難辭其咎查知事懲戒條例并
無似此恰合專條比照該條例第九條第四款之規定認為應受記大過處分特為議決如右
中華民國四年十二月二十九日

委員長錢能訓

委員汪燦芝

委員余榮昌

委 員孫培差
 委 員余紹宋
 委 員達壽
 委 員盧弼
 委 員賀愈
 委 員王學曾假

籌備國民代表大會事務局局長顧蓋奏報國民代表大會據陝西省國民代表選舉監督報告先後辦理情形摺

奏為報明國民代表大會據陝西省國民代表選舉監督報告先後辦理情形恭摺仰祈 聖鑒事竊查國民代表大會各省暨各特別行政區域籌備情形及選舉人資格選舉場所並選舉代表決定國體兩項投票日期前經臣局分別繕單彙案呈報其已經辦理完竣報告到局者並將各該省辦理情形分別核明先後彙報在案茲復續據國民代表大會陝西省選舉監督咸武將軍督理陝西軍務陸建章陝西巡按使呂調元造具陝西國民代表選舉籌備概要及經過程序之報告冊連同一應名冊咨送前來臣局詳加覆核一切選舉程序暨辦理選舉職員及各選舉人並當選人資格均與法定相符謹據該監督報告各節為我 皇帝陛下縷晰陳之一陝西省自國民代表大會組織法公布並經臣局照錄通電行知後該監督遵於十月十二日在將軍行署設立陝西辦理國民代表大會事務所並於將軍巡按兩署遴委委員籌備一切事宜其遴委籌辦之員為將軍行署參謀長葛光廷巡按使署政務廳長章寶穀暨軍署秘書處辦事員吳鳳麟參謀處辦事員龐宗吉張德彝書記官沈誠周郁文及巡署諮議官吳寶彝秘書吳汝澄機要主任江之灝文牘主任章以則銓叙主任陳汝愈等共十二員其選舉人依組織法第四條之規定兩項並用計各縣初選當選人報到者霍伯恆等九十六人由該監督依法認定有覆選被選資格者蔣振泰等一百八十人共計二百七十六人此

陝西省籌辦國民代表大會之情形也一陝西省選舉國民代表投票日期係定十月二十七日先期由該監督派定將軍行署參謀處書記官周郁文龐宗吉等爲投票管理員將軍署軍法科科长張漢章巡按使署諮議官吳寶彝等爲開票管理員並派國民會議議員初選當選人前清吏部員外郎王季斌等十四人分別爲開票投票監察員屆期在將軍行署舉行國民代表選舉由該監督蒞場監視計入場投票之選舉人除逾時未經盡到外實爲二百零八人投票完畢即於是日開票比較得票多數按照陝西所轄九十縣選出當選國民代表九十人內有各縣初選當選人三十四人合於覆選被選資格者五十六人此陝西省國民代表選舉投票開票之情形也一陝西省決定國體投票日期係定十月二十八日舉行據該監督報告投票開票場所設於將軍行署所有投票開票管理監察各員即以前派選舉代表之投票開票管理監察各員分別充任屆期舉行決定國體投票各代表寇卓等九十人先後到齊並無缺席當場由各監督親臨監視投票既畢即令開票檢票計九十票全體一致贊成君主立憲該代表等歡呼萬歲隨即攝影以留紀念當日會場秩序一依法定次第辦理極爲整肅等語此陝西省國民代表決定國體投票開票之情形也一臣局伏查陝西省國民代表大會先後辦理情形較之他省所報告者雖詳略微有不同而核與法定程序均屬符合固已提挈綱要簡而能賅具見該監督等擘畫有方故能早日告竣足以仰副我 皇帝陛下尊重民意鞏固國本之盛心除此外各省各特別行政區域辦理情形應俟各該監督報告到局再行彙報外所有報明國民代表大會據陝西省國民代表選舉監督報告先後辦理情形並由該監督造具選舉人名冊國民代表名冊管理監察各員名冊選舉事務所職員名冊以及籌備概要及經過程序之報告各件理合繕摺具報謹乞 皇帝陛下聖鑒 奏

政事堂奉

批令悉交內務部查照單並發此令

政事堂印

洪憲元年一月九日

國務卿陸徵祥

吉林巡按使王揖唐奏吉省民刑案件並無積壓高等審判廳長樂駿聲等請予褒獎摺

奏爲吉省民刑案件並無積壓高等審判廳廳長高等檢察廳檢察長督飭有方可否量予褒獎謹繕清單恭摺具陳仰祈 聖鑒事竊維司法事宜上以維持國家威信下以保障人民權利辦理稍一不善其影響於

國家人民者至重且鉅前經迭奉 申令諄諄以審判遲延嚴切誥誡仰見 聖上勤求民隱整飭官方

之至意伏查吉省民情強悍素有健訟之風刑事案件夙稱繁賾至於民事範圍錢債地畝雖細故微嫌亦必

投訴公庭請求裁判訟獄之繁較勝他省各該司法廳署復以款絀人少調查審理備極困難經高等審判廳

廳長樂駿聲高等檢察廳檢察長張映竹竭力督催限期清理彙核各屬月報尙無積滯之弊臣蒞任之初恭

奉 明諭監督司法行政當飭該廳長等重訂審判程序限通行各屬如敢積壓訴訟拖延逾限定予懲戒在

案數月以來不特新收之案隨時審結即遠年積案亦能月結數起現截至十一月底止所有審檢各廳庭共

收民刑訴訟案件二千七百餘起未結僅餘九十起九十一三箇月核計每月辦結平均在百分之九六以

上審理頗爲迅速至兼理司法之各縣知事每月受理新案按冊稽攷收結亦大致相抵謹將高等地方各廳

九十一三箇月辦理民刑案件起數繕具清單恭呈 御覽竊以該廳長檢察長任職有年平時對於各

廳月報稽核清楚洵屬督飭有方奉昭成效確能靖共厥職用著微勞合無仰懇 天恩量予褒獎以資激

勸之處出自 鴻施除咨陳司法部外所有吉省民刑案件並無積壓緣由理合繕具清單恭摺具陳伏乞

皇帝陛下聖鑒訓示謹 奏

政事堂奉

批令樂駿聲張映竹均著傳令嘉獎交司法部查照單並發此令

政事堂印

洪憲元年一月十一日

國務卿陸徵祥

河南巡按使田文烈奏遴員朱培根等薦請分別補署遂平等縣知事各缺並懇緩覈摺

奏為遂平等縣知事員缺遴員薦請分別補署恭摺仰祈 聖鑒事竊查知事任用暫行條例第一條各縣知事非試驗及格或經保薦由部註冊者各地方長官不得薦請任命又准內務部咨嗣後薦任知事凡有曾經歷任地方政績素著者准其呈薦實授其有學識優長而經驗或有未逮者一律先請試署一年期滿如果稱職再當列舉成績呈請實授又縣知事甄別章程第三條凡分發任用之縣知事應自到省之日起扣滿一年由該長官認真考核出具切實考語呈報照章補用第五條凡有左列各項資格之一者得免到省甄別甲曾任實缺州縣以上人員乙曾在差在缺著有成績得賞勳章及奉令嘉獎人員各等因自應遵照辦理茲查有現署遂平縣知事朱培根年四十歲湖北鄂城縣舉人於前清宣統三年十月委署遂平縣知事薦奉 任命旋改署理第三屆保准免試奉獎五等金質軍鶴章內務部存記政事堂存記本年七月丁憂給假三個月現已回任該員心精力果為守兼優現署武陟縣知事王桂壽年四十歲浙江紹興縣人歷署直隸井陘玉田河南林縣等縣知事第一屆保准免試奉獎五等嘉禾章四等文虎章本年九月調署武陟縣知事該員盡心民事為守兼優以上二員均係久任地方政績昭著並有得免到省甄別資格遵章出具考語薦請實授又查有現署獲嘉縣知事陳應泰年四十四歲湖北宜昌縣廩貢生曾任河南蠶桑學堂監督湖北省議會議員第一屆試驗及格該員才識明通職事修舉現署寧陵縣知事周鳳曦年四十九歲湖北咸寧縣附貢生曾選授鄭縣知事補授伊陽縣知事第二屆試驗及格該員持躬循謹任事實心現署睢縣知事曹瀛年五十一歲山東惠民縣拔貢生前雲南知縣第一屆試驗及格該員清勤自矢惻愍無華現署西華縣知事汪繼祖年五十五歲江蘇江寧縣人曾補授登封縣知事升補鄧州知州第三屆保准免試該員治理明通富有經驗現署鄆城縣知事黎德芬年四十六歲湖北黃陂縣舉人曾選授夏邑縣知事第三屆保准免試該員才具優長勤

求治理現署汝南縣知事汪懷瑜年五十四歲安徽亳縣人歷署直隸河間廣平等縣知事第一屆保准免試奉獎五等金質軍鶴章該員安詳穩練結實耐勞現署上蔡縣知事孫壽臣年六十一歲山東歷城縣舉人曾補授順天通州知州升補治中署理河南陳留縣知事第一屆保准免試該員老成穩練治理明通現署確山縣知事楊承孝年三十五歲湖北襄陽縣附貢生曾署安徽蒙城河南葉縣等縣知事第三屆核准免試奉獎六等嘉禾章該員才具開展緝捕認真現署固始縣知事桂林年三十六歲江西貴谿縣附生曾署江西興安永豐等縣知事第一屆試驗及格該員年力富強辦事明幹現署孟津縣知事李景晟年六十三歲江蘇武進縣人曾署鎮平封邱等縣知縣補授中牟縣知縣第三屆保准免試該員老成練達明幹有為現署靈寶縣知事戚渠清年四十九歲浙江餘姚縣拔貢生曾選授中牟縣知縣第四屆保准免試該員學裕才優治事明敏現署汲縣知事樊庶年四十七歲湖北恩施縣人歷署虞城鞏縣宜陽湯陰等縣知事第三屆保准免試奉獎五等金質軍鶴章該員勇於任事可與有為現署沁陽縣知事呂相曾年四十四歲山東萊蕪縣人曾選授鄭縣知縣調補滑縣知縣署理新鄉縣知事第三屆保准免試該員聽斷明敏緝捕勳能以上十三員學識優長經驗亦富或已經到省甄別或得免到省甄別本可呈薦實授臣為整飭吏治起見擬請先行試署以昭慎重合無仰懇 恩准任命朱培根為遂平縣知事王桂壽為武陟縣知事陳應泰試署獲嘉縣知事周鳳曠試署寧陵縣知事曹瀛試署睢縣知事汪繼祖試署西華縣知事黎德芬試署鄆城縣知事汪懷瑜試署汝南縣知事孫壽臣試署上蔡縣知事楊承孝試署確山縣知事桂林試署固始縣知事李景晟試署孟津縣知事戚渠清試署靈寶縣知事樊庶試署汲縣知事呂相曾試署沁陽縣知事該知事等現既薦請任命自應遵章送覲王桂壽一員前任湖北審計分處處長經前湖北巡按使臣呂調元保薦呈奉 批令覲見惟該知事等均係現任人員地方重要可否一併暫緩覲見之處伏候 聖裁除將各該知事履歷分咨內務部銓叙局查照外所有違員薦請分別補署遂平等縣知事並可否暫緩覲見各緣由理合恭摺具陳伏乞 皇帝陛下聖鑒訓示再現請補署各知事由臣留心考察如有始勤終怠貽誤職守之員仍當隨時據實糾參不敢以

薦任在先稍涉週護合併陳明謹 奏

政事堂奉

批令朱培根等已有令任命並均准其緩覲交政事堂飭銓叙局查照此令

政事堂印

洪憲元年一月十一日

國務卿陸徵祥

新疆巡按使楊增新呈揀派周家瑞代理洛浦縣知事文並 批令

為揀員代理洛浦縣知事以資治理仰祈鈞鑒事竊署洛浦縣知事吳永澄因案解任遺缺查有周家瑞現年三十三歲甘肅武威縣人前清由從九品加捐州同指分新疆試用宣統二年八月到省歸新候補查該員通曉纏語前經委查要案尚能認真此次因署洛浦縣知事吳永澄被管獄員以賄買鄉約苛罰浮收等情稟揭前來經增新呈准將吳永澄撤任非得熟悉情形之員認真查辦難期水落石出所有洛浦縣一缺應請暫以周家瑞代理准其接收交代除將履歷咨陳內務部外理合呈請 大總統鈞鑒訓示施行謹 呈

政事堂奉

批令悉交內務部查照並由政事堂飭銓叙局查照此令

政事堂印

洪憲元年一月六日

國務卿陸徵祥

公電

甘肅提督馬安良電奏一月十二日

大皇帝陛下臣猥以武夫渥蒙聖恩高厚賜封一等男爵聞命自天感激無地遵即恭設香案望闕叩頭所有微臣感激下忱謹恭謝天恩伏祈聖鑒一等男甘肅提督臣馬安良謹奏

太原金永電奏十二月三十一日

皇帝陛下聖鑒本日奉政事堂感電傳諭陳述意見竊以民意變更國體業由全國代表依法票決宣布中外決非少數人所能反對唐繼堯等歷經贊成帝制在前茲突反噬顯係藉端謀亂別有用心所請各節自應嚴加拒絕惟念辛亥變起前清震於革命不肯斥為叛徒致人人以民黨為榮羣起附和洎乎癸丑再訂國家罪致討指名亂黨遂為國民所共棄今繼堯等逆跡昭彰斷無悔悟之望惟有明令宣布正其罪惡以絕煽誘之途飛飭川湘桂三省就近派兵堵禦一面命將專征迅予掃除無使滋蔓自古創業開基必有頑民梗化不得已而用兵歷代皆然殆難諱避且繼堯等以數人私忿自外生成不恤漢民淪於化外陛下赫然一怒伐罪即以救民情勢兩無可緩計自國體解決以來共和既歸陶汰帝位又復虛懸實敢好謀是生波折若不速正大位以堅嚮順之心即無以作同仇之敵愾應請將即位大典提前於陽曆元旦實行庶足定一尊而齊衆志典禮雖有不遑豈難續辦所冀乾綱獨斷先正名分以固國家根本願逆一明即王師有正無戰負嶠小醜計日可平大局幸甚是否有當伏乞聖鑒訓示山西巡按使臣金永謹奏勅印

南通州管雲臣致雲南電十二月三十一日

接奉漾電惶駭實深君憲由全國表決一致贊成貴省亦迭電聯銜推戴大勢所趨豈容反復乃公等忽倡異議使奸宄生心偷構戰端損耗軍費塗炭生靈追原禍始咎將誰執知幾志士愛國軍人豈宜出此務希顧全大局力挽狂瀾安危存亡間不容髮我輩軍人務以國家為重毋逞一時意氣致貽千載惡名轉禍為福今猶可圖敢盡忠告伏維亮察

廣東龍觀光等致雲南電 十二月三十一日

雲南唐將軍任巡按使鑒鑒解決國體全出人民公意兩公早經贊成迭電推戴代表投票全體一致元首推讓再三始邀允從此締造新邦賈人民無窮之福乃兩公通電忽有取消帝制之言前後兩歧不勝駭異殆爲亂徒所脅假冒公名大帝制宣布中外咸知斷無中止之理如公所言是置國家於兒戲全背天下之民心昧順逆之從違蹈贖寧之覆轍想公明達當不出此應速懲辦亂徒專電謝罪否則甘爲戎首貽害桑梓自取滅亡有心叛亂觀光等惟知擁護中央保衛國家通電鄰省派兵協剿試問滇省一隅能否抵抗披瀝直言伏惟明察

武昌王占元 致雲南電 十二月三十一日

唐將軍任巡按使並轉蔡將軍戴參政均鑒昨今迭接諸公通電私心惴惴竊有疑焉公等爲當今俊傑明達過人國體之應否變更必已研究有素如果以國情不適應即於發生之際毅然反對示天下人以趨向之端自不失爲光明磊落而公等贊成君憲首先簽名各省解決滇中通電推戴同聲始終未聞稍有異議乃大局既定宣布中外萬難中止之理公等忽爾反對是動搖根本陷國家於危亡之地千秋萬世禍首難辭占元等請以春秋責備賢者之義敢爲一再忠告如承鑑納請即善撫軍民通電各省取消前電並請松波將軍趕緊入都從容討論以息謠紛占元等當聯合各省公電代爲剖白仍不難恢復命令倘再遲疑是公等自誤誤國有心貽禍國民即爲全國之公敵公等雖不爲滇省生靈計寧不爲天下蒼生計耶禍福之機間不容髮惟公等速審圖之臨電涕零立盼示復

長春裘其勳等電奏一月一日

統率辦事處鈞鑒頃閱唐任通告反對帝制一事我東三省之各鎮守使暨統兵之軍官無不忠義奮發感願各率所部立赴滇中滅此朝食以定大局除各稟承本省長官特許發兵并逕電警告唐任外合行電陳敬請轉奏批示施行吉長鎮守使饒其勳延理鎮守使高鳳城寧阿蘭鎮守使徐世揚東邊鎮守使馬龍潭洮遼鎮

守使吳俊陞等儉

張家口張懷芝電奏十二月三十一日

政事堂奉感電祗悉 聖上下問羣僚虛懷淵量欽佩莫名竊維改建國體出於全國人民之心理羣情愛戴本乎至誠我 皇上以救國救民爲心不得已俯從民意今國體已定兆姓騰歡而唐繼堯等贊成於前反對於後大逆無道罪不容誅其違拂全國之民意即爲全國之公敵萬不能以二三奸徒之亂謀牽動大局茲據察區國民代表等合詞公請代奏籲懇我 皇上於元旦良辰即登大位以奠國基宣布該逆等罪狀早伸天討公憤所在背逆難容當可立即誅滅萬望宸衷立斷以遏亂萌不勝迫切待命之至敬乞轉奏爲禱張懷芝卅印

歸化潘矩楹致雲南電十二月三十一日

接閱通電駭詫非常國體變更迄今旬月民情鼓舞五族翕然國祚昌明正殷屬望不祥之語何自而來竊維民意從違徵諸多數一經取決斯爲憲章此次改建新邦肇諸全體請願即在公等亦嘗屢次通電深表贊同遠近風傳言猶在耳由衷而發具見真誠代行立法院職察民心知難盡拂召集代表訴諸大公申令嚴明法文周密布諸中外孰不聞知公等分屬國民身爲監督對於職守對於國家具有天良詎甘脅迫何以滇中代表於贊成君憲亦復一體從同足見人心本無二致迨至大旨告成軍民籲進聯銜電請無貳無渝通告列邦渙然大號忽翻前議判若兩人昧一己之初心隳舉國之信用多方挾意欲何爲素仰明通尙希裁奪若能翻然改悔自認失詞一肯之愆無傷大德倫再首鼠兩端受人唆使甘爲公敵自絕國人滇省將吏之中不少知時之士去逆效順人各有心公等及身豈能自保即或苟安旦夕負固一隅叢爾彈丸萬難持久徒使兵戈所及爲禍一方荼毒生靈膏血原野邦人父老何負於公矩楹於執事風味生平瘡口陳詞所爲大局倫不察見納依舊執迷惟有請作前驅與公相見決不忍坐視僉壬巨慝貽禍邦家言盡於斯幸爲省察

南昌李純致雲南電十二月三十一日

雲南唐將軍任巡按使並轉蔡戴二公同鑒敬漾兩電並悉惶駭萬分諸公明達豈宜出此中國國體不遺共和四載以來人民備受痛苦茲後懲前懲後必發始有全國請願之舉萬衆一心請求決定君憲之文電紛至沓來勢不可遏政府始終根據約法以民意爲依歸復經依法召集國民代表大會而獲最後之解決國體既定統治需人推戴 今上又復全國一致政府鑒於人民望治之迫切知國體一日不定即民心一日不寧不惜捨身救國勉徇民意情非得已當爲天下所共諒此度之於理其無可反對者一諸公久膺專閫分制滇邊倚界特隆股肱攸寄其功成歸朝者政府亦篤念前勳藉均勞逸或典要政或贊中樞眷顧弗衰恩禮靡暨即對於國體有所主張儘可爲造膝之敷陳不應爲揭竿之肇亂何先事絕不聞異議迨成事而始有違言心迹如斯恐難自白 上方待我以置腹我乃包藏其禍心此揆之於情其無可反對者二此次國體之解決及大位之擁戴萬方一致政府再三遜讓經總代表堅詞籲請始蒙允豈有迫脅之可言夫民之所歸猶水就下沛然誰能禦之諸公乃欲以昆明一隅犯天下之衆怒自絕於天亡可旋踵遠有殷餘之頑民近有贛役之亂黨可爲諸公殷鑒當李逆倡亂之始東南半壁遂歸於始徧其據地非不廣聯兵非不衆也一旦國軍南征金鼓甫振煙消瓦解蓋順逆所在固不待勝負而後知也諸公自度所據之地所聯之兵有如李逆之廣且衆耶況今者國基已固民志已堅政府賞罰嚴明將士激勵與朝王氣如旭日之初升又非艱難草昧李逆倡亂時所可比也舉國家之全力而討諸公如湯沃雪耳此較之於力其無可反對者三既無充分之理由又無實之兵力恃在險遠徒苦吾民一旦大兵壓境衆叛親離禍起蕭牆諸公豈復有高蹈之路乎此衡之於勢而無可反對者四國體問題發生之際蔡公在京曾約軍界同人首先簽名贊成君憲墨澤猶濡乃棄職離京復繞道東瀛遁歸滇省行蹤詭秘天下懷疑至唐任二公會經迭次促請正位一則曰全省軍政紳商各界無不同聲歡慶國民代表大會一致贊成君憲並推戴我 大總統爲中華帝國皇帝再則曰滇省軍隊向極服從對於茲事亦皆深明大體保無他虞乃漾電忽稱此間軍民痛憤積久非得有中央永除帝制之實據萬難鐵勳等語前後矛盾如出兩人又豈光明磊落之大丈夫所屑爲哉今乃欲於大勢已定之餘反思頓顛前議

藉口與戎又適在蔡公由東返滇之後如非甘受挾制即屬同惡相濟彼孫文黃興流連海外危言聳聽所至
輒靡我南洋諸僑民信之最篤及至近日其利口捷舌猶之昔也而氣竭聲嘶終莫之應者人皆知其擾亂祖
國故深惡痛絕不復齒之於人類也諸公智者乃甘蹈其覆轍耶純不忍見兩公滅亡之慘或致以兵戎相見
重累生靈故敢剖陳利害勉盡忠告如能翻然悔禍我政府舍罪棄瑕自有寬典易曰不遠復無祗悔偷竟執
迷不悟則友誼告終國仇斯在聲罪致討不知其他言盡於此惟諸公鑒之

南昌威揚致雲南電 十二月三十日

接貴省漾敬兩電殊為駭詫竊維亂極思治古今常理今日人人有厭亂之心視少數之亂徒嫉為寇仇蓋曠
然於好亂者塗炭生靈而不足與有為也孰順孰逆孰利孰害孰禍孰福百姓如夢初醒安有自命為大丈夫
尙甘附於好亂之徒而未之醒乎揚在贛言贛往者李烈鈞曾倡亂於江西矣不數月棄甲而逃從亂之軍隊
傷者傷死者死散者悉化蟲沙贛民被亂徒荼毒之深紛王師如望雨豈有他意避水火也人心厭亂厥有明
證自清失其政綱紀蕩然初以為共和足以救國救民也及試驗則絕與事實相反於是人人欲變更國體全
國選舉代表一致贊成君憲推戴 大總統為皇帝 大總統再三謙讓迫於救國救民之大義勉從所
請詞命之下到處懸燈結綵士林於校農歡於野工歌於肆商旅慶於其途文武官僚亦復想望太平希即起
明良之盛遇人心如此踴躍猶得謂誘脅所致哉讀滇省贊成君憲及推戴之電與各省不約而同則又何也
要之人心可順而不可逆以全國人心之所大順豈滇省偏隅區區少數之亂徒能逆人心而動搖國體夫處
環球大通之世誰不自愛其國虎狼不自搗其穴禽鳥不自毀其巢人之於國虎狼禽鳥之不如乎愛國之君
子方謂國體大定從此可以振國勢鞏國基獨滇省無端而為邪說所乘不惜其國之受害忍乎不忍竊料滇
省士農工商其求免鋒鏑之禍願享安居樂業之福與各省人心無以異也即軍隊中必有深明順逆利害禍
福其不肯受從賊之惡名倒戈相向患生肘腋意中事耳公等何苦執迷引起全國之公敵徒自受覆亡之奇
慘現在各省異常痛憤秣厲兵枕戈以待泰山壓卵夫何待言然公等在悖之電或為亂徒所假託否則為

亂徒所誘脅尙難懸揣 主上豁達大度公等趁今日回頭尙未晚也過此則不堪設想矣揚誼屬同寅敢效忠告公等其猛省之並望滇省之軍隊暨士農工商各界其共勉之

經棚崑源等致雲南電 十二月三十一日

近悉漢日通電執事首冒不韙於國體問題頓改初衷源等聞之同深駭憤我中國四千餘年賴君主維治安於永久共和之不適國情不待智者而早辨矣此次國體決定君憲擁戴 皇帝各省一致上洽天心非刑驅勢迫所可同日而語者聞執事前後各電亦謂大勢所趨非君憲不足以鞏固國基而順民意云云執事之推戴我 大總統爲中華帝國大皇帝與全國人民之滄嚮如水委地合流同趨正不獨爲珂鄉同胞也今則遽易前說執事自反得毋惡慙試思君憲決諸民意未聞稍持異說友邦志士先倡君主之論是本無內亂而執事導之此實國人之公敵覆載所不容况無信不足以立身其何以忝臨民上卵石之不敵二次革命殷鑒不遠執事等忍以桑梓之地而作孤注一擲乎惟祈不爲利誘不爲勢脅永持君憲以奠兩服朝廷以誠示人定邀寬典而念前勳倘仍執迷不悟源等專俟朔命願驅塞北健兒以與執事相見順逆之理早定從違立盼速復

鳳凰城馬龍潭來電 十二月三十一日

統率辦事處鈞鑒唐任倡逆叛國自取誅滅國體改更係應天順人之舉我 今上聖德謙冲並非帝制自爲固天下臣民所共曉乃唐任竟甘居禍首實全國之罪人茲奉電前因現已會同吉奉各鎮守使向該逆切實勸告戒其野心一面嚴密布置整裝以待如該逆竟不悔禍潭雖不才願從諸軍之後恭奉天討以誅此青天叛國之大逆無道者謹肅電覆東邊鎮守使馬龍潭卅日

吉林將軍孟恩遠巡按使王揖唐電奏一月九日

政事堂代行立法院鈞鑒茲復據吉林國民代表趙太一朱奎章柳乙青朱翰章馮詠齋張鳳墀龔文藻劉哲顯與魁轟樹滋史蒞楊振洲毛鴻勛劉潤之高振鋆馮蘭秀薩增翰杜作霖楊作舟曲永聲初連甲李價沈崇

授任嘉莪遂長增石書鳳賈明善馬秉虔李春榮何植樸楊光輔楊顯生金明川何其章何忠聲徐文林祐華如等函稱竊國民代表等前以滇逆反覆於上月三十日逕電代行立法院建議政府宣布該逆等罪狀大張撻伐等情業逕奏准施行在案查君憲國體實出民意既經宣布萬無反汗之理回溯四載漂搖人民飽受驚恐無主乃亂古有明徵今國體決定已久乃迄未見實行若長此稽延或生他變既違我人民想望太平之宏願亦負我 皇上出任艱鉅之初心斯夕徬徨罔知所措國民代表等企望為勞合再祈代奏籲懇 皇上俯順輿情早正大位行見反側即定中外翕然天下安危在此一舉臨穎不勝悚惶待命之至等情民意如此萬難再延謹此轉陳乞即代奏是禱孟恩遠王揖唐叩齊印

浙江將軍朱瑞巡按使屈映光電奏一月十一日

皇帝陛下聖鑒竊維國體問題自全國臣民一致請願國民代表大會投票公決之後則國體已定自我皇上俯允臣民推戴之請則君位已尊改元伊始噫兆喁喁則國體問題萬無討論之餘地龍建章等豔日通電措詞荒謬更無討論之可言誠以立國大計不能再事擬議致擾人心故當滇亂發生前後臣等屢經奏懇陛下早正大位以慰民望恭行天討以綏邊服蓋國權統於一尊黎庶同其心理天澤分定君臣義明則凡含生負性之倫莫不知天命之有歸民義之所在何敢犯上作亂致陷大愚即以浙江而論臣等屢次接見軍政僚屬以及紳商士庶勗以時局之安危詢以輿情之趨向羣知愛戴實出至誠至於浙境警備防範情形迭經奏明在案現在境內一切安謐決不至發生他故此皆仰賴天威藉可上紓宸廑即使小有不靖兵事布置甚密當可立即戡平地方治安責任所在斷不敢稍事隱飾惟環顧時局所係民心所趨仍祇有仰懇聖明早登大位以定人心臣等無任屏營待命之至與武將軍督理浙江軍務一等侯臣朱瑞署浙江巡按使一等伯臣屈映光謹奏

江西將軍李純巡按使戚揚電奏一月十二日

政事堂統率辦事處鈞鑒陽電敬悉仰見 皇帝慎重大局至意欽佩莫名伏查贛省軍警整飭完備布置

周安地方極稱安靖決無意外之虞竊請早正大位等情曾於去年十月魚日合詞電奏在案現自頃事發生
該逆等有意破壞大局純等不勝憤恨復經激勵軍警嚴密防維詳加督察所轄地方亂黨既無隙可乘奸宄
復無從駐足無論何時決不致有重大變端即萬一偶有一處蠢動以現在兵警之力儘足以立時戡定不致
釀成內亂純等不但始終擔任地方治安尙有餘力簡練精銳以備討逆差堪自信而可上紓慮也惟滇亂
僅爲三五暴徒妄思擾亂朝廷萬不能因此致緩大計而一般軍民不知或以爲因滇亂而有所動搖軍心愈
形激烈百業不無停滯莫知所屆益用皇皇且在滇逆之意豈不知無破壞全局之力願以爲牽掣進行或可
爲之頓挫耳朝廷如再遲迴竊恐不足以固人心適足以張逆焰此尤不可也純等愚昧之見贛省旣敢保治
安各省疆臣對於此事忠義憤發亦必可力保無虞此時惟有籲懇 皇帝提前宣布速頒明詔定期舉行
大典大典一行不第滇省小醜立見瓦解即天下人心亦爲之大定矣關係匪細保全實多區區愚誠乞代奏
施行不勝急切屏營之至李純戚揚全叩真印

南寧陸榮廷王祖同電奏一月十二日

皇帝陛下聖鑒政事堂統率辦事處陽電敬悉國本已定天命有歸薄海臣民翹首望治乃滇省一二人私見
獨持異論阻撓大計在我 皇上運回愼察惟恐他省再有變故致負國民期望之殷聖懷謙冲莫名欽仰
現桂省係臣榮廷桑梓之邦對於軍民各界推心置腹教養四年差堪自信臣祖同到任後亦經開誠布公敷
宣德意現在上下一心將士用命大典告成之後決不至有變故發生現滇氛未靖即邊界偶有土匪乘機竊
發亦不難激勵士卒立時戡定伏乞宸衷速斷早正大位以定人心而固國本臣等自當竭股肱力濟以忠貞
力任維持地方之責上紓廟堂南顧之憂臨電無任翹企待命之至臣榮廷臣祖同謹奏真印

更正

頃接辦理國民會議事務局函稱查本局前送刊登本月十一日命令單及十二日公報之通告全付精神句
付字係屬副字之訛又細察我全國心理句全國下脫國民二字均請查照更正等因查係原稿鈔誤准函前
因合亟更正

●外交部通告

爲通告事外交官領事官考試甄錄規則業於上年九月三十日奉 令公布十月一日刊登政府公報茲本部定於本年四月間舉行甄錄試驗凡具有外交官領事官考試令第二條所規定之資格而願應考試者務於本年二月二十九日以前遵照外交官領事官考試甄錄規則第一條及第二條之規定填寫願書並履歷書附以所著論文並用英法俄德日本等一國以上文字之譯文送達本部其在本國或外國各學校畢業文憑或證明書一併送驗如係現居外省者准其將願書履歷書及論文譯文郵寄本部所有畢業文憑或證明書准於到京面試時補行送驗一俟甄錄委員會閣定後認爲可受試驗者再登公報通知屆期來部面試特此通告

洪憲元年一月十三日

(願書式)爲具送願書事今願應外交官領事官考試之甄錄試驗遵照外交官領事官考試甄錄規則第一條除親具履歷書附以論文並譯(某國)文送呈 察閱外所具願書是實(由甄錄規則第一條於英法德俄日本等一國以上文字之外如兼通其他外國文者併准其附送譯文於願書內註明)

洪憲元年

月

日

姓名

蓋章

(履歷書式)姓名現年若干歲某年某月某日生 一三代(註明存歿) 一籍貫(某省某縣人) 一住所

(現居某省某縣某地)

一學業(自某年某月入某省某地或某國某地國立或私立某學校修某學科某年某月畢業得有畢業文憑或證明書) 一職務(自某年某月在某官署任某職或自某年某月受雇於

某地某處所從事某項業務)

洪憲元年

月

日

姓名

蓋章

●本局四年第二期法令全書職員錄出版廣告

本局刊行法令全書暨職員錄四年第三期現已出版法令全書每部二冊定價大洋一元三角外埠加郵費一角三分職員錄每部六冊定價大洋一元五角外埠加郵費二角二分特此廣告發行所 王 府 井 大 街 政事堂印鑄局發行 錄

●北京清華學校招考高等科插班生

本校高等科現分四級每學年遞升一級每年招考插班生一次今年在北京上海兩處招考各級插班生額數以八十年齡自十六歲至十八歲者可報考三四年級資格體質健全性行端敏國文程度約在中等英文程度至少須曾用英文教科書習過 Otham 讀本七冊或同等之讀本七冊此外須習過納氏文法四冊衛生學及初步地理初切實研究者可於步化學初步代數等書如有習過高深學科者可報考高級凡於上列學科曾經一月十日起至三月三十一日止向北京清華學校招考處函索詳細招考章程並須附寄郵費一角空函不覆

北京清華學校招考處啟

●辦理國民會議事務局通告

為通告事查國民代表大會組織法第十五條內載依本法所定關於選舉投票之籌備事宜由辦理國民會議事務局辦理等語國民代表大會依照組織法之規定係專為決定全國國民關於國體請願事件而設事關國家長治久安大計亟應依法籌備以徵國民全體公意之所趨本局遵於國民代表大會組織法公布之日開始籌備於國民會議事務局內特設籌備國民代表大會事務處籌備關於國民代表選舉投票各事宜并由本局特派專員會同經理一應籌備事件自當恪遵法定程序鄭重通行除呈報大總統暨通告京外國民代表選舉監督外合行通告以後京外各官署凡關於國民代表大會選舉投票各項公文函電希即逕交本局收發處可也特此通告

●聲明作廢

籌備立法院事務局書記員陳榮綬一時脫落第三十九號徽章一枚除詳請本局補給外特此登報聲明作廢

D
573.052
780
52